



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome Tribvnalis Sacramentalis Reverendissimi Patris Petri Marchantii

Zurmöllen, Heinrich

Neuhusii, 1677

Art. 1. De potestate Abbatissae in suas subditas

urn:nbn:de:hbz:466:1-9734

TITVLVS QVARTVS.
*De Regimine Monialium et
 earum Clausura.*

Articulus Primus,

De potestate Abbatisse in suas subditas.

I. **A**bbatissa sive præfecta Monialium, nec veræ Prælaturæ, nec veræ jurisdictionis Spiritualis, est capax. Quia fæmina est tonsuræ Clericalis (quæ est fundamentum potestatis cujuscunque vere spiritualis) incapax, nec obstat concessio, qua conceditur Abbatisis, jus conferendi beneficia, & Clericos ad illa instituendi, suspendendi à Beneficio, & à missarum celebratione, hæc enim potestas est mere executorialis & Ministerialis, nullam in Abbatissa exequente jurisdictionem spirituales requirens: collatio enim beneficij nihil est aliud, quam nuda electio & denominatio personæ, facta ab Abbatissa, ad quam Episcopus censetur per jurisdictionem spirituales in se residentem, beneficiũ conferre, & ita cū proportionem de alijs.

2. Po-

2. Potestas Abbatisſæ ſive præfectæ in Moniales ſubditas, eſt tantum dominativa, ſimilis domeſticæ & gubernativæ, quam habet materfamilias in ſoboles, aut cum Capitulo ſuo ſimilis politicæ, quam habet magiſtratus in cives. Quia majoris poteſtatis non eſt capax, & alias, ſicut hæc ad regimen ſtatus Religioſi eſt omnino neceſſaria, ſic etiam in fæmina ſufficiens eſt: quam poteſtatem habuerunt, qui intra ſtatum laicalem, antiquitus Monafterijs præfecti fuerunt. Hæc vero poteſtas his vere terminis continetur: ut Abbatiſſa ſive præfecta Monialium, præcipere & corrigere poſſit ſubditas, in omnibus quæ pertinent ad domeſticam gubernationem, & communem conventus pacem, ita ut diſciplina Regularis abſque ſcandalis obſervetur.

3. Suppoſita Regulæ & Status ſive ordinis Approbatione per Eccleſiam, poteſtas Dominativa in Abbatiſſis ſive præfectis conſurgit, ex profeſſione Regulæ, ſeu voto obedientiæ, quia approbato ordine, cenſentur approbari Rectores & Rectrices, ſecundum Ordinis illius morem inſtitu-

tutæ: & consequenter qui obedientiam secundum Regulam vovet, censetur illam vovere omnibus, qui ex præscripto Regulæ hujusmodi mandare possunt: ita ut potestas illa consurgere censeatur, tum ex institutione sive electione personæ secundum Regulam approbatam, tum ex voto obedientiæ ac professione personæ, quæ se hujusmodi Regimini subjecit.

4. Receptio ad professionem, quatenus est auctoritativa acceptatio personæ ad Religionem, non potest competere mulieri, & consequenter nec Abbatissæ aut Monialium præfectæ. Quia est vere actus spiritualis jurisdictionis, pertinens ad potestatem Clavium.

5. Actus quo Abbatissa sive præfecta Monialium recipit vota & professionem Novitiarum, est actus mere Ministerialis, & externa quædam declaratio, qua testificatur publice Novitiam, juxta voluntariam professionem acceptari nomine Ecclesiæ, & legitimorum prælatorum, in eaque omnes conditiones ab Ecclesia requisitas, esse adimpletas. Quia in illo casu censenda est

est Abbatissa procuratrix, & Prælatorum legitimorum Ministra, quorum nomine actu publico, professionem acceptatam declarat. Unde communiter vel Prælatus vel Sacerdos nomine Prælatorum adest, qui professioni assistat.

6. Nulla Abbatissa aut Monialium præfecta potest aliquod præceptum vere spirituale suis monialibus imponere. Quia ejus potestas Dominativa quam in Moniales habet, pure temporalis est, domestica scilicet & civilis.

7. Præcepta vero præfectarum Monialium possunt interdum obligare ad peccatum mortale. Quia potestas illarum est omnino similis potestati Domesticæ matrumfamilias, & potestati Civili Magistratum: Sed præcepta Matrumfamilias, possunt interdum obligare filios ad peccatum mortale; ergo & præcepta præfectarum Monialium.

8. Abbatissa sive præfecta Monialium, non habet ex vi officij auctoritatem dispensandi cum aliqua Moniali, in Regulæ præceptis, jejunijs, legibus Ecclesiasticis,

quia dispensare est actus prælaturæ & baculi Pastoralis; fæmina vero nec vere Prælaturæ nec baculi pastoralis est capax.

9. Abbatissa potest irritare vota suarum Monialium, quæ sine licentia ejus aut superioris sunt emissa: quia in hoc non est Minoris potestatis, quam materfamilias, quæ impuberum vota irritat.

10. Abbatissa ex vi officij habet liberam administrationem bonorum Monasterij, si aliqua lege vel præcepto legitimo non arctetur. Quia est vere superior, cui omnis superioritatis auctoritas competit, quæ officio congruit, & fæmineo sexui non repugnat.

11. Potestas vero Abbatisse in bonorum temporalium administratione, non est ita libera & independens, quin teneatur clarum reddere computum, & rationem administrationis, superioribus prælatis, sive visitoribus, ubi fuerit legitime requisita.

Articu-